

四庫全書

史部

欽定四庫全書

明集禮卷四十九

樂

古者伏羲氏之作樂也其名曰扶耒神農氏曰扶持軒
轅氏曰咸池少昊作大淵顓帝作六莖帝嚳作六英唐
堯作六章虞舜作六韶夏禹作大夏商湯作大濩武王
作大武皆所以名德象功也成王時周公作勺又有房
中之樂以歌后妃之德其后周官大司樂以樂德教國

子中和祇庸孝友以樂語教國子興道諷誦言語以樂舞教國子舞雲門大咸大韶大夏大濩大武以六律六同五聲八音六舞大合樂以致鬼神示以和邦國以諧萬民以安賓客以說遠人以作動物乃分樂而序之以祭以享以祀乃奏黃鍾歌大呂舞雲門以祀天神乃奏太簇歌應鍾舞咸池以祭地祇奏姑洗歌南呂舞大韶以祀四望奏蕤賓歌函鍾舞大夏以祭山川奏夷則歌小呂舞大濩以享先妣奏無射歌夾鍾舞大武以享先

祖凡六樂者文之以五聲播之以八音凡六樂者一變而致羽物及川澤之祇再變而致羸物及山林之祇三變而致鱗物及丘陵之祇四變而致毛物及墳衍之祇五變而致介物及土祇六變而致象物及天神凡樂圜鍾為宮黃鍾為角太簇為徵姑洗為羽雷鼓雷鼗孤竹之管雲和之琴瑟雲門之舞冬日至於地上之圜丘奏之若樂六變則天神皆降可得而禮矣函鍾為宮太簇為角姑洗為徵南呂為羽靈鼓靈鼗孫竹之管空桑之

琴瑟咸池之舞夏日至於澤中之方丘奏之若樂八變則地祇皆出可得而禮矣黃鍾為宮大呂為角太簇為徵應鍾為羽路鼓路鼗陰竹之管龍門之琴瑟九德之歌九韶之舞於宗廟之中奏之若樂九變則人鬼可得而禮矣凡樂事大祭祀宿縣遂以聲展之王出入則奏王夏尸出入則奏肆夏牲出入則奏昭夏秦併天下六代廟樂唯韶武存焉改周大武曰五行房中曰壽人漢興有制氏以雅樂聲律世世在大樂官但能紀其鏗鏘

鼓舞不能言其義高祖時叔孫通因秦樂人制宗廟樂
又有房中祠樂唐山夫人所作也六年又作昭容樂禮
容樂昭容者猶古昭夏也主出武德舞禮容樂主出文
始五行舞孝惠使夏侯寬備其簫箏更名曰安世樂武
帝定郊祀之禮乃立樂府采詩夜誦有趙代秦楚之謳
以李延年為協律都尉多舉司馬相如等數十人造為
詩賦略論律呂以合八音之調作十九章之歌以正月
上辛用事甘泉園丘使童男女七十人俱歌昏祠至明

是時河間獻王有雅材以為治道非禮不成因獻所集雅樂天子下大樂官常存肄之歲時以備數然不常御常御及郊廟皆非雅樂平帝時詔放鄭聲召天下通知鐘律者漢光武建武十三年耿弇取益州傳送公孫述瞽師郊廟樂器葆車輿輦於是法物始備平隴蜀增廣郊祀奏青陽朱明西皓玄冥及雲翹育命之舞明帝永平三年博士曹充言漢再受命宜興禮樂引尚書璇璣鈴曰有帝漢出德洽作樂名予乃詔改大樂官曰大予

樂凡四品一曰大予樂郊廟工陵諸食舉之曰周頌雅
樂辟雍鄉射六宗社稷用之東平王蒼議以為漢制舊
典宗廟各宜奏樂不應相襲所以明功德也又采百官
詩頌以為登歌順帝行辟雍禮奏應鍾始復黃鍾樂器
隨月律魏武帝平荊州獲杜夔善八音常為漢雅郎尤
悉樂事於是始創定雅樂時有散騎郎鄧靜尹商善調
雅樂歌師尹商能歌宗廟郊祀之曲舞師馮肅能曉知
先代諸舞夔悉領之遠攷經籍近采故事考會古樂始

復軒縣鐘磬復先代古樂自夔始也而柴玉左延年之
徒妙善鄭聲被寵惟夔好古存正文帝改漢安世樂曰
正世樂嘉至樂曰迎靈樂武德樂曰武頌樂昭容樂曰
昭業樂其衆歌詩多則前代之舊使王粲改作登歌安
世及巴渝詩明帝太和初公卿奏二舞宜有總名可名
大鈞之樂晉武帝初郊廟明堂禮樂權用魏儀齊武帝
建元二年有司奏郊廟雅樂歌辭舊使學士博士撰搜
間采用叅議大廟登歌宜用司徒褚彥回之詞餘悉用

黃門郎謝超宗辭多刪顏延之謝莊詞以為新曲梁武帝思弘古樂定郊禋宗廟及三朝之雅樂改十二雅以雅為稱取詩雅者正也止乎十二則天數也乃去階步之樂增徹食之雅二郊明堂三朝同用焉其辭並沈約所製是時禮樂制度粲然有序陳武帝詔求宋齊故事並用梁樂文帝始用圜丘明堂及宗廟樂宣帝定三朝之樂采梁故事儀曹郎張崖定南北郊及明堂儀注樂盡以韶為名隋文帝尚因周樂令工人檢校舊樂改換

新聲益不能通及平陳獲宋齊舊樂詔於太常署清商署以管之求得陳樂令蔡子元等復居其職隋代雅樂惟奏黃鍾一宮郊廟之享止用一調迎氣用五調舊工更盡其餘聲律皆不復通牛弘虞世基等更共詳議按周官大司樂六代之制祭祀則分而用之以六樂配十二調乃以神祇位次分樂配焉奏黃鍾大呂以祀圜丘奏太簇應鍾以祭方澤奏姑洗南呂以祭五郊神州奏無射夾鍾以祭巡狩方岳具登歌祀神宴會通行之若

有大祀臨軒陳於階陛之上若冊拜王公設宮縣而不用登歌釋奠惟用登歌而不設懸弘又作皇后房內之樂文帝嘗作地厚天高之曲唐太宗留心雅正勵精文教貞觀之初合考隋氏所傳南北之樂梁陳盡吳楚之聲周齊皆羌狄之音乃命太常祖孝孫正宮調起居郎呂才習音韻協律郎張文收考律呂平其散濫為之折衷以周享神祀諸樂以夏為名宋以永為名梁以雅為名今以和為名祖孝孫始為旋宮之法造十二和樂以

法天而成數號大唐雅樂合四十八曲八十四調至後王朴詳定雅樂朴以為今之鐘磬在架者皆唐商盈孫所定雖有作器之名而無相應之實至於十二罇鐘不考宮商但環擊之徒架而已朴乃作準求律法以備樂器張昭等議以為朴之新法可習而行之未幾朴卒故器服制度粗而未完宋太祖建隆初用王朴樂上謂其聲高近於哀思詔和峴考西京表尺令下一律比舊樂始和暢真宗時太常寺言樂工習藝匪精每祭享止奏

黃鍾宮一調監祭使文仲孺言修飾樂器調正音律乃
詔學士李宗諤編錄樂纂又裁兩署工人試補調式肆
習程課上御崇政殿張宮懸閱試召宰相親王臨觀又
有朝會上壽之樂仁宗時留意禮樂之事命李照鑄造
大樂其聲俱高議者以為迂誕尋罷之後用和峴所置
舊樂乃詔太常雅樂悉仍舊制然太常樂比唐聲高五
律上雖勤勞制未能得其當者其後詔改名大安帝御
紫宸殿奏大安之樂南郊姑用舊樂其新定之樂常祀

及朝會用之徽宗崇寧元年詔置講議局以大樂之制訛謬殘缺太常樂器弊壞乃博求知音之士為一代之樂八年新樂成列於崇政殿既奏天顏和豫詔賜名曰大晟專置大晟府以其樂施之郊廟朝會棄舊樂而不用元太祖徵用西夏舊樂太宗徵亡金遺樂於燕京習登歌樂於曲阜宣聖廟世祖勅太常少卿王鏞領東平樂工習太常樂五年太常樂成命名曰大成之樂國朝開國之初制定雅樂爰命儒臣撰製樂章以祀天地以

祭社稷以禮先農以享宗廟至於朝會燕饗羣祀則皆用大樂所以酌古今之宜而成一代制作也

樂懸

樂懸之制夏商以上無聞焉夏商以下其略見於尚書大傳其詳見於周官以書大傳考之天子將出撞黃鍾右五鍾皆應入撞蕤賓左五鍾皆應黃鍾在陽陽主動君出則以動告靜而靜者皆和蕤賓在陰陰主靜君入則以靜告動而動者皆和十二鍾在懸之制權輿於此

考禮小胥正樂懸之位王宮懸諸侯軒縣卿大夫判縣士特縣辨其聲凡懸鐘磬半為堵全為肆蓋縣鐘十二為一堵如牆堵然二堵為肆宮懸四面象宮室王以四方為家故也軒懸闕其南避王南面故也判縣東西之象卿大夫左右王也特懸則一肆而已象士之特立獨行也宮縣四面軒縣三面皆鐘磬罍也判縣有鐘磬而無罍特縣有磬而無鐘此樂縣之制也儀禮及大傳陳布宮架之法北方南向應鍾起西磬次之黃鍾次之鐘

次之大吕次之皆東陳一建鼓在其東東鼓東方西向
太簇起北磬次之夾鍾次之鍾次之姑洗次之皆南陳
一建鼓在其南南鼓南方北向中吕起東鍾次之蕤賓
次之磬次之林鍾次之皆西陳一建鼓在其西西鼓西
方東向夷則起南鍾次之南吕次之磬次之無射次之
皆北陳一建鼓在其北北鼓若大射徹其北面而加鉦
鼓祭天雷鼓祭地靈鼓宗廟路鼓各有執焉儀禮宮架
四面鼓鐃鐘十二簾各依辰位甲丙庚壬設鐘乙丁辛

癸陳磬大射之儀樂人宿縣於阼階東笙磬西面其南
笙鐘其南罇皆南陳一建鼓在阼階西南鼓應鞀在其
東南鼓西階之西頌磬東面其南鐘其南罇皆南陳一
建鼓在其南東鼓朔鞀在其北一建鼓在西階之東南
面蕩在建鼓之間鼗倚頌磬西絃蓋堂上之階自階而
左為阼自階而右為西笙磬在阼階之東而西面頌磬
在西階之西而東面由笙磬而南鐘罇所以應笙者也
由頌磬而南鐘罇所以應歌者也大射之儀東西有鐘

磬之懸推之則天子宫懸堂上之階笙磬頌磬各十二縣堂下阼階而南特鑄特鑄亦各十二縣西階而南編鐘編磬亦各十二縣天數也自兩漢而下晉及宋齊鐘磬之縣不過十六黃鍾之宮北方北面編鐘起西其東編鐘其東衡其東鑄太簇之宮東方西面起北蕤賓之宮南方北面起東姑洗之宮西方東面起南所次並如黃鍾之宮設建鼓於四隅縣內四面各有祝敔晉孝武太元破苻堅獲樂工楊蜀正四廂樂金石始備梁制凡

律呂十二月而各一鐘天子宮懸黃鍾蕤賓在南北自餘則在東西黃鍾廂宜用鐘磬各二十四以應二十四氣當時因去衡鐘設十二鐃鐘各依辰位而應律每一鐃鐘設編鐘各一簋合三十六架植鼓於四隅元會備用焉後魏鐘磬之縣各有十四祖瑩復更為十六後宮縣四廂筍簋十六又有儀鐘十四簋縣架首初不叩擊普泰元年祖瑩元孚奏十二縣六縣裁訖今六縣既成臣等思鐘磬各四鈸鐃相從十六格宮縣已足今請更

造二縣通前為八宮縣兩具矣魏晉以來但云四廂金石而不言其禮或八架或十架或十六架梁武用二十架隋宮縣四面各二簾通十二罇鐘為十二簾唐樂懸之制若祭祀設縣於壇南內壝之外北向東方西方磬簾起北鐘簾次之南方北方磬簾起西鐘簾次之罇鐘十二在十二辰之位朝會則加鐘磬十二簾設鼓吹十二案於建鼓之外若皇后享先蠶則設十二大磬以當辰位而無路鼓軒縣三面皇太子用之釋奠文宣王

亦用之其制去宮縣之南面九架在辰丑申位編鐘磬
皆三架設路鼓二於縣內戊巳地之北判縣二面祭風
伯雨師五岳四瀆用之其制去軒縣之北面植建鼓於
東北西北二隅初因隋舊用三十六簾高宗蓬萊宮成
增用七十二簾武后時省之開元定禮依古為二十簾
昭宗時宰相張濬乃言舊制用三十六簾以為非古殿
廷狹隘不能容三十六簾乃復用二十簾鐘簾四以當
甲丙庚壬磬簾四以當乙丁辛癸皇后庭諸后廟及郊

祭立二十架先聖皇太子朝廟並九架舞六佾舊皇后
庭但設絲管隋大業尚侈始置鐘磬猶不設罇鐘以罇
磬代至武后稱制用鐘因而不革宋太祖建隆初四架
十二案之制陳布多仍唐舊乾德中定三十六簾悉集
樂工列於架中徽宗親祠之制四方各設編鐘三編磬
三東方編鐘起北編磬間之東向西方編磬起北編鐘
間之西向南方編磬起西編鐘間之北方編鐘起西編
磬間之俱北向設十二罇鐘特磬於編架內各依月律

四方各設鑄鐘三特磬三東方鑄鐘起北特磬間之東
向西方特磬起北鑄鐘間之西向南方特磬起西鑄鐘
間之北方鑄鐘起西特磬間之皆北向植建鼓鞀鼓應
鼓於四隅建鼓在中鞀鼓在左應鼓在右元定宮縣宿
縣於庭中東方西方設十二鑄鐘各依辰位編鐘在左
編磬在右黃鍾之宮起子在通街之西蕤賓之宮起午
在通街之東每三簾謂之一肆十有二辰凡三十六簾
樹建鞀應於四隅晉鼓一處縣中之東南以節樂立四

表於橫街之南

樂器


周官典同掌六律六同以辨天地四方陰陽之聲以為樂器小戴記曰金石絲竹樂之器也古者聖王作樂不越乎五聲八音十二律而樂之寓於器者豈有加於此哉以金之屬考之曰鐘曰鐃曰鎛曰鐺曰編鐘曰歌鐘曰金罍于曰金鐸曰木鐸以石屬考之曰玉磬曰天球曰編磬曰頌磬以絲屬考之曰琴曰瑟曰大琴中琴小琴

曰七絃琴曰大瑟中瑟小瑟次小瑟以竹之屬考之曰
管簫曰韶簫曰箏簫竹簫曰管曰篴曰大篴小篴曰蕩
若笙若巢笙若和笙若大竽小竽若簧則匏之屬也若
古缶若大壎若小壎則土之屬也若拊若楹鼓建鼓若
雷鼓雷鼗若靈鼓靈鼗若路鼓路鼗與夫鼗鼓鼗鼓晉
鼓應鼓鞀鼓則皆革之屬也若柷若敔若春牘若應若
鐘磬筍簴皆木之屬也此皆雅器之制於三代者又有
所謂搗箏塋篴小琵琶長笛箏篳及七星匏九曜匏閏

餘阮咸之類則其制於唐宋者也其制度考據之詳著
於圖

金之屬

鐘




考工記曰鳧氏為鐘兩樂謂之鈇鈇間謂之于于上謂之鼓鼓上謂之鈺鈺上謂之舞舞上謂之甬甬上謂之衡鐘縣謂之旋旋蟲謂之幹鐘帶謂之篆篆間謂之枚枚謂之景于上之攔謂之隧十分其鈇去二以為鈺以其鈺為之鈇間去二分以為之鼓間以其鼓間為之舞佾去三分以為舞廣以其鈺之長為之甬長以其甬長為之圍參分其圍去一以為衡圍參分其甬長二在上一在下以設其旋薄厚之所震動


清濁之所由出侈弇之所由興有說鐘已厚則石已薄則播侈則柝弇則鬱長甬則震是故大鐘十分其鼓間以其一為之厚小鐘十分其鉦間以其一為之厚鐘大而短則其聲疾而短聞鐘小而長則其聲舒而遠聞為遂六分其厚以其一為之深而圜之

鑪

夏商之時小鐘謂之鐘大鐘謂之鑪周之時大鐘謂之鐘小鐘謂之鐸書云笙鑪




鐺



周禮鐺師注鐺如鐘而大杜預云小鐘隋志鐺鐘每
鐘縣一筭簾各應律呂


歌鐘

編鐘




編鐘十二同在一簾為堵鐘磬各堵為肆小胥以十六枚在一簾為堵隋志云編鐘小鐘也各應律呂大小以次編而懸之上下皆八十二為正鐘四為清鐘春秋言歌鐘二肆

金 罍
于




周禮小師以金鎛和鼓其形象鐘頂大腹擦口弇以
伏獸為鼻內懸鈴子鈴銅舌作樂振而鳴之與鼓相
和

金鐸




木鐸



周禮鼓人以金鐸通鼓兩司馬執鐸三鼓桴鐸振鐸
舞者振之警衆以為節金鐸以金為舌所以振武事
也木鐸以木為舌所以振文事也


石之屬

磬




考工記曰磬氏為磬倨勾一矩有半其博為一股為二鼓為三三分其股博去其一以為鼓博三分其鼓博以其一為之厚已上則摩其旁已下則摩其端股非所擊也短而博鼓其所擊也長而狹鄭司農云股磬之上大者鼓其下之小者其大小長短雖殊而其厚均也黃鍾之磬皆厚二寸

玉磬




天球




郊特牲言擊玉磬明堂位言四代樂器而搏拊玉磬
先王因天球以為磬以為堂上首樂之器書言夏擊
鳴球

編磬




磬之為器昔謂之樂石立秋之音夷則之氣也周禮
磬師掌教擊磬擊編鐘言編鐘則有編磬矣鄭康成
云十六枚同在一簾謂之堵

笙磬




頌磬



應笙之磬謂之笙磬應歌之磬謂之頌磬


土之屬

古缶




土音缶立秋之音也古者盥謂之缶缶之為器中虛而善容外員而善應中聲之所自出

大墳




小墳



周官之於埴教於小師播於瞽矇吹於笙師平底六
孔中虛上銳如稱錘然大者聲合黃鍾大呂小者聲
合太簇夾鍾


革之屬

拊




狀如革囊實以糠擊之以節樂拊之為器韋表糠裏
狀則類鼓聲則和柔倡而不和其設則堂上虞書所
謂搏拊其用則先歌周禮謂登歌令奏擊拊

楹鼓




建鼓




明堂位曰殷楹鼓以周官考之大僕建路鼓於大寢之門外儀禮大射建鼓在阼階西南鼓則其所建楹也楹為一楹而四稜貫鼓於端猶四植之桓圭也魏晉以後復商制亦謂之建鼓隋唐又棲翔鷺於其上宋因之其制高六尺六寸中植以柱設重斗方蓋蒙以珠網張以絳紫繡羅四角有六龍竿皆銜流蘇璧璜以五綵羽飾於首亦為翔鷺又挾鞞應二小鼓而左右之


雷鼓



雷鼓




雷鼗




周禮鼓人以雷鼓鼓神祀大司樂云降天神之樂鄭
康成云雷鼓雷鼗


靈鼓



靈鼓




靈鼓




周禮鼓人以靈鼓鼓社稷大司樂以為降地祇之樂
鄭康成云靈鼓靈鼓六面


路鼓



路鼓




路鼓




周禮鼓人以路鼓鼓鬼享大司樂以為降人鬼之樂
鄭康成云路鼓路鼓四面

鼗




小鼓以木貫之有兩耳還自擊鼓以節之鼗以兆之
八音兆於革音則鼗所以兆奏鼓也

鼗鼓




鼓之小者謂之應大者謂之鼗周官鼓人以鼗鼓鼓
軍事節聲樂亦用之詩云鼗鼓惟鏞

晉鼓




其制大以短所以鼓金奏也周官鐘師以鐘鼓奏九
夏司馬中春振旅軍將執晉鼓


應鼓



禮器曰懸鼓在西應鼓在東爾雅小鼓謂之應堂上
擊拊之時堂下擊應鼓棟以應之



鞀卑者所鼓也周時王執路鼓鼓之尤大者旅師執
鞀鼓之尤小者也



--	--	--	--	--	--	--	--

明集禮卷四十九

欽定四庫全書

史部
明集禮卷
五十一

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官中書_臣王鍾泰

謄錄監生_臣鄭均

欽定四庫全書

明集禮卷五十


樂

雅樂二

樂圖

絲之屬

大琴



中琴




小琴




其制長三尺六寸六分象朞之日廣六寸象六合絃有五象五行腰廣四寸象四時前後廣狹象尊卑上圓下方象天地徽有十三象十二律餘一象閏小琴五絃中琴十絃大琴二十絃

琴或謂伏羲作或謂神農作或謂五絃作於舜七絃作於周文武宋始制二絃又制十二絃以象十二律太宗加為九絃


大瑟




中瑟



小瑟




次小瑟




伏羲作五十絃為大瑟黃帝破為二十五絃為中瑟
十五絃為小瑟五絃為次小瑟或謂朱襄氏使士達
作或謂神農作

匏之屬

笙




巢笙




禮記曰女媧氏之笙簧說文曰正月之音物生故謂之笙十三簧列管匏中施簧管端宮管在中央三十六簧曰竽宮管在左傍十九簧至十三簧曰笙大笙謂之簧小笙謂之和爾雅笙十九簧曰巢十三簧曰和

大筭




小筭



竽亦笙也今之笙竽以木代匏而漆殊愈於匏


竹之屬

簞簫



世本曰舜所造其形參差似鳳翼長二尺爾雅編二
十二管長一尺四寸曰箏長尺二寸曰巢

韶簫




舜作十管韶簫長尺有二寸

管




爾雅曰長尺圍寸併漆之有底說文曰管如簾六孔
周禮孤竹之管是也

遂




周官笙師掌教吹箛簫簨篴管五者皆出於笙師所
教無非竹音之雅樂也

大麓




小簾




世本云暴辛公造爾雅曰大簾音謂之沂銀簾以竹為
之長尺四寸圍三寸一孔上出寸三分名曰翹橫吹
之小者尺二寸

木之屬

柁




敵




周官小師掌教搗鼗祝敔祝如漆桶方二尺四寸深一尺八寸中有椎柄連底旁開孔內手於中擊之以舉樂敔狀類伏虎背上有二十七齟齬碎竹以擊其首而逆戛之以止樂

鐘簾




磬簾




周官梓人為筍簋飾以羸屬羸有力聲大而宏於鍾
宜故為鍾簋磬簋飾以羽屬羽無力聲清而遠於磬
宜故以為磬簋筍橫水兩端刻龍蛇鱗物之形

業

大枝也飾筍為懸捷業如鋸齒



崇牙




樅也上飾刻畫之為重牙業之上齒

植羽



樹羽置羽也置之筍簾之上

壁嬰



畫繪為嬰戴以壁垂五彩羽於下樹於筍之角上

樂舞

樂舞之數天子八佾諸侯六佾大夫四佾士二佾即八佾而考之文舞六十四人左執籥右秉翟武舞亦六十四人左執干右執戚按周禮大司樂以樂舞教國子舞雲門大卷大咸大韶大夏大濩大武舞雲門以祀天神舞咸池以祭地祇舞大韶以祀四望舞大夏以祭山川舞大濩以享先妣舞大武以享先祖此六代之樂舞也內則十三舞勺成童舞象乃周公所作之樂舞也帔舞

羽舞皇舞旄舞干舞人舞乃周禮教國子之六舞也三代而下秦併六國六代之樂惟韶存焉又改大武為五行漢制高廟奏武德文始五行之舞又有四時舞文始者本韶舞也五行者本周舞也武德者高帝所作四時者文帝所作惠帝采武德為昭德舞宣帝采昭德為盛德舞光武增廣郊祀奏雲翹育命之舞魏武帝舞師馮肅曉知先代諸舞文帝改巴渝舞為昭武舞雲翹為鳳翔舞育命為靈應舞武德為武頌舞文始為大韶舞五


行為大武舞晉武帝使郭夏造正德大豫二舞又改魏
昭武為宣武之舞羽籥舞為宣文之舞宋武帝又改為
前舞後舞梁又改文舞為大觀武舞為大壯周武帝造
山雲之舞唐太宗制文舞為九功舞武舞為七德舞宋
太祖改周崇德舞為文德舞象成舞為武功舞元郊祀
則奏崇德之舞定功之舞太廟則奏武定文綏之舞內
平外成之舞此歷代樂舞更改損益名雖不同其實不
越文武二舞而已國朝平定天下凡郊祀社稷先農太

廟皆奏武功之舞文德之舞所以象成名德而兼備文武者也

舞器圖

夫舞者既陳則以器授之此舞器所由作也天子八佾則有文武二舞文舞者執纛執籥執翟武舞則執旌執干執戚又曰戈曰弓矢曰鶩曰翺曰麾節樂之器有相有應有牘有雅又有金鈇金鉦金鐃單頭鐸雙頭鐸之類其制詳見于圖

帔舞




周官樂師教國子六舞有帔舞帔者袞也社稷百物之神皆為民袞除以故帔舞帔舞者全羽羽舞者析羽

羽舞




周官舞師掌教羽舞帥而舞四方之祭祀籥師教國
子舞羽吹籥祭祀則鼓羽籥之舞羽舞翟羽可用為
儀執之以舞所以為蔽翼也

皇舞




周官舞師掌教皇舞帥而舞旱暵之事樂師掌教國
子小舞皇陰類也旱暵欲達陰中之陽故以皇舞

旄舞



葛天氏之樂三人操鼈牛尾而歌八閔則旄者乃鼈
牛之尾

千舞




郊特牲曰朱干設錫冕而舞大武祭統曰及舞君執
干戚就舞位則干者自衛之兵非伐人之器用之以
舞示有武事也祭山川用之者以其有阻固捍蔽之
功

人舞



舞以干戚羽旄為飾手舞足蹈為容樂記樂師均以
人之手舞終焉

戚




禮曰朱干玉戚以舞大武干盾也所以自蔽戚斧也
所以待敵朱干白金以飾其背戚剝玉以飾其柄

簫




周官簫師祭祀鼓羽簫之舞簫所以為聲翟所以為容

翟




翟為五雉之一取其毳羽以秉之詩曰右手秉翟

熏
羽葆幢




爾雅曰翽熏也郭璞以為今之有羽葆幢舞者所建
以為容也

旌夏



旌夏大旌也舞者行列以大旌表識之大射禮舉旌以官偃旌以商

節




爾雅和樂謂之節樂之聲有鼓以節之舞之容有節
以節之先代之舞有執節二人

麾



周禮巾車掌木路建大麾以田以封蕃國書曰用秉
白旄以麾周所建也後世協律郎執之以令樂工其
制高七尺干飾以龍首綴纁帛畫升龍於其上樂作
則舉之止則偃之堂上則立于西階堂下則列於樂
懸之前

相



八音以鼓為君以相為臣是相為鼓其狀如鼙韋表
糠裏以漆趺局承而擊之所以輔樂樂記曰治亂以
相諸家樂圖多以相為節相以輔樂亦以節舞

應



應猶應之應物其獲也小故小鼓謂之應以應大鼓
所倡之聲小春謂之應以應大春所應之節

牘




牘以竹為之長者七尺短者三尺所以節樂也周官
笙師掌之

雅




周官笙師掌教雅以教祴夏狀似漆桶而弇口大二
圍長五尺六寸以羊韋鞞之旁有兩紐䟽畫武舞工
人所執以節舞

金鉦



如銅槃縣而擊之以節樂

金饒



如火斗有柄以銅為匡䟽其上如鈴中有九執其柄而搖之其聲饒饒然以止鼓



明集禮卷五十